

- Manalangin na magkaroon ka ng kakayahang maging matapat sa Diyos at itaon ang pag-iisip sa Kanya at sa Kanyang mga pangako.

- Ipagdasal ang bawat isa sa inyong grupo na magkaroon ng lakas ng loob na angkinang maging ganap ang mga pangako ng Diyos.

- Hikayatin ang bawat isa sa grupong magkaroon ng tapang na patuloy na maniwala at magtiwala sa Diyos.



VICTORY

Honor God. Make Disciples.

Pinahihintulutan ang pagkopya ng lathang ito na galing sa Victory® para sa kagamitan ng lokal ng simbahan.
 Karapatang Pag-aari © 2011 ng Every Nation Leadership Institute
 Inilathala ng EVERY NATION PRODUCTIONS
 P.O. Box 12229 Ortigas Center, Pasig City, Philippines

STRONG

Manatiling Malakas

Week 4

[illegible]

- Ano ang isang bagay na nasimulan mo ngunit hindi mo natapos? Ibahagi ang nangyari.
- Ano ang binabalak mong tapusin ngayong taon? Gaano ka na kalayo sa pagsasagawa nito?
- Anong gawain ang alam mong kayang-kaya mong gawin? Ano naman iyong wala kang lakas ng loob na subukan? Ipaliwanag ang iyong mga sagot.

WORD

WHAT

What does the Bible say?

Hanggang ngayon, ang Hebron ay pagmamay-ari ng mga angkan ni Caleb na anak ni Jefune na Kenizeo dahil matapat na sinunod ni Caleb ang Panginoon na Diyos ng Israel.

Josue 14:14

Mainam magkaroon ng magandang simula ngunit kasing halaga nito o higit pa rito ang pananatiling malakas hanggang sa huli. Nang ipinangako ng Diyos ang Canaan sa mga Israelita, ang bawat tribu ay may kanya-kanyang lupang kailangang ipaglaban at angkinin. Ngunit hindi lahat ay nagtagumpay. Isa sa mga iilang nanatiling malakas at natapos ang misyon ay si Caleb. Papaano nanatili at nagtapos ng malakas si Caleb?

- **Matapat si Caleb.**

⁸“Ngunit tinakot ng mga kasama ko ang mga kababayan natin. Pero ako, matapat kong sinunod ang Panginoon kong Diyos. ⁹Kaya nang araw na iyon, nangako si Moises sa akin. Sabi niya, ‘Dahil matapat ka sa pagsunod sa Panginoon kong Diyos, magiging iyo at sa mga angkan mo ang lupaing pinuntahan mo para mag-espiya.’”

Josue 14:8,9

Kahit may pagdududa ang mga kasamahan niya, nanatiling matapat sa Diyos si Caleb. Nagtiwala siya nang buong puso dahil alam niyang naghahari ang Diyos sa lahat. Ito ang nagbigay sa kanya ng kalakasan na magpatuloy. Tulad ni Caleb, papaano tayo mananatiling malakas hanggang sa huli (Hebreo 12:2,3)?

- **May kumpanya si Caleb.**

¹⁰“Nakalipas na ang 45 na taon nang sabihin iyon ng Panginoon sa pamamagitan ni Moises. Naglalakbay pa noon ang mga Israelita sa ilang. Buhay pa ako hanggang ngayon at 85 taong gulang na ako, ¹¹pero ang lakas ko ay gaya pa rin noong panahon na inutusan ako ni Moises. Kayang-kaya ko pang makipaglaban gaya nang dati.”

Josue 14:10,11

Sa edad na walumpu't lima, nakipaglaban pa si Caleb at natalo niya ang mga lahi ni Anak at nasakop ang bundok kung saan nakuha nila ang malaking kumpol ng ubas noon. Kahit na ganoon ang kanyang kalagayan at madami siyang hinarap na pagsubok, nagwagi si Caleb dahil alam

niyang tutuparin ng Diyos ang Kanyang mga pangako. Bakit natin mapagkakatiwalaan ang Diyos?

- **Matapang si Caleb.**

¹²“Maaari mo na bang ibigay sa akin ang kabundukan na ipinangako sa akin noon ng Panginoon? Ikaw mismo ay nakarinig noon na nakatira roon ang mga lahi ni Anak at matitibay ang mga lungsod nila at may mga pader. Pero sa tulong ng Panginoon, mapapaalis ko sila sa lupaing iyon ayon sa pangako niya sa akin.” ¹³Binasbasan ni Josue si Caleb na anak ni Jefune, at ibinigay sa kanya ang Hebron bilang mana niya.

Josue 14:12,13

Alam ni Caleb na malalakas at malalaki ang mga lahi ni Anak at marami ang takot sa kanila. Subalit hinarap pa rin niya ang mga ito ng buong tapang. Ang tapang na ito ay hindi nangangahalugang wala na ang takot kundi ang paghuhugot ng lakas sa kapangyarihan ng Diyos upang harapin ang kinatatakutan. Ano ang nagbigay tapang kay Caleb upang harapin ang mga lahi ni Anak? Papaano napalalakas ang ating loob ng katotohanang na ang Diyos ay ating tulong?

SO WHAT

What is the relevance of the Word to my life?

- Anong mga pagdududa ang nakakahadlang sa ating pagtanaw sa Diyos at sa Kanyang kakayahan? Anu-anong mga pasya ang kailangan nating gawin upang mabura ang mga pagdududa na ito?
- Gaano ka nagtitiwalang mangyayari ang mga ipinangako ng Diyos sa iyo? Anu-anong mga pangako ang pinanghahawakan mo at nagbibigay lakas sa iyo kahit may mga pagsalungat?
- Papaano napapalakas ang iyong pananampalataya ng katotohanang ang Diyos ang ating tulong?

NOW WHAT

How do I apply the Word to my life?

- Anu-anong mga hakbang ang makakatulong sa paglago ng iyong pananampalataya? Papaano mo ito maisasama sa mga plano mo ngayong linggo?
- Ano ang magagawa mo upang maisapuso ang mga pangako ng Diyos sa iyo?
- Anu-anong mga hamon ang kailangan mong tulungan ka ng Diyos? Ipagdasal ninyo ito sa grupo.